

四庫全書

集部

欽定四庫全書

文苑英華卷一百八十一 宋 李昉等 編

省試二

州府
試附

冬日可愛二首

日華川上動一首

日南長至一首

白日麗江臯一首

夏日可畏一首

秋日懸清光二首

初日照華清宮一首

初日照鳳樓一首

日暮碧雲合一首

日暮天無雲一首

日暮山河清一首

三讓月成魄一首

月照冰池一首

海上生明月一首

壁池望秋月一首

秋月懸清輝一首

月映清淮流二首

圓靈水鏡二首

京兆府試殘月如新月一首

玉繩低建章一首

七月流火一首

壽星見一首

老人星一首

府試觀老人星一首

虹藏不見一首

閏月定四時五首

玉燭一首

新陽改故陰一首

迎春東郊二首

東郊迎氣一首

立春一首

春從何處來一首

長安早春二首

春色滿皇州五首

首夏猶清和一首

冬日可愛

陳諷

貞元十年及第

寒日臨清晝寥天一望時未消埋逕雪先暖讀書帷屬
思光難駐舒情影若遺晉臣曾比德謝客昔言詩散彩

寧偏照流陰信不追餘輝如可就迴燭幸無私

同前

庾元亮

貞元八年及第

宿霧開天霽寒郊見初日林疎照逾遠冰輕影微出豈
假陽和氣暫忘玄冬律愁抱望自寬羈情就如失欣欣
事幾許瞳瞳狀非一傾心儻知期良願自茲畢

日華川上動

石殷士

曙霞攢旭日浮景弄晴川杲曜曾潭上悠揚極浦前岸
高時擁媚波遠漸澄鮮萍實空隨浪珠胎不照淵早暄

依曲渚微動觸輕漣孰假咸池望幽情得古篇

日南長至

獨孤鈿

元和年
吏部

玉歷頒新

一作窮

律凝陰發一陽輪輝猶惜短圭影此偏

長晷度經南斗流星

一作晶

盡北堂乍疑同

一作周

戶耀可

愛逗林光積雪銷微煦初萌動早芒更昇臺上望雲物

已昭彰

白日麗江臯

陳昌言

遲景臨遙水晴空似不高清明開曉鏡昭晰辨秋毫鬱

鬱長堤土離離淺渚毛烟銷占一候風靜擁千艘獨媚
青春柳宜看白鷺濤何年謝公賞遺韻在江臯

夏日可畏

張

籍

類詩作
丘為

赫赫温風扇炎炎夏日徂火威馳迫野畏景爍

一作
鏢

遙

途勢矯翔陽翰功分造化鑪禁城千品燭黃道一輪孤
落照頰空簞餘暉卷夕梧如何倦遊子中路獨踟躕

秋日懸清光

陶拱

一作
洪

秋至雲容斂天中日景清懸空寒色淨委照曙光盈泣

泣看彌上輝輝望最明煙霞輪乍透葵藿影初生鑿下
應無極升高自有程何當迴盛彩一為表精誠

同前

王維

寥廓涼天靜晶明白日秋圓光含萬象碎影入閑流迥
與青冥合遙同江甸浮晝陰殊衆木斜影下危樓宋玉
登高怨張衡望遠愁餘輝如可託雲路豈悠悠

初日照華清宮

柴宿

靈山初煦澤遠近見離宮影動參差裏光分縹緲中鮮

颺收晚翠佳氣滿晴空林潤溫泉入樓深複道通璇題
生烟晃珠綴引瞳矐鳳輦何時幸朝朝此望同

初日照鳳樓

李虞仲

旭日煙雲殿朝陽燭帝居斷霞生峻宇通閣麗晴虛流
彩連朱檻騰輝照綺䟽矐矐晨景裏明滅曉光初戶牖
仙山近軒楹鳳翼舒還如王母過遙度五雲車

日暮碧雲合

許康佐

日際愁陰生天涯暮雲碧重重不辨蓋沉沉乍如積林

色黯疑暝隙光俄已夕出岫且從龍縈空寧觸石餘輝
澹瑤草浮影凝綺席時景詎能留幾思輕尺壁

日暮天無雲

熊孺登

杳杳復蒼然無雲日暮天象分青氣外景盡赤霄前漸
吐星河色遙生水木烟從容難附麗顧步欲澄鮮但見
收三素何能測上玄應非暫呈瑞不許出山川

日暮山河清

失名

天高爽氣晶馳景忽西傾山列千重靜河流一帶明想

同金鏡徹寧讓玉壺清纖翳無由出浮埃不復生縈紆
分漢苑表裏見秦城逸興終難繫抽毫仰此情

三讓月成魄

不得泛說
鄉飲之事

劉珣

為禮依天象周旋逐月成教人三讓美為客一宵生初
進輪猶暗終辭影漸明幸陪賓主位取捨任虧盈

月照冰池

葉季良

霽夕雲初斂棲娥月未虧圓光生碧海素色滿瑤池天
迥輪空見波凝影詎窺浮霜玉比彩照像鏡同規皎潔

寒偏淨徘徊夜轉宜誰憐幽境在長與賞心隨

海上生明月

朱華

皎皎秋中月團圓

一作團

海上生影開金鏡滿輪抱玉壺

清漸出三山岳將凌一漢橫素娥嘗藥去烏鵲遶枝驚
照水光偏白浮雲色最明此時堯砌下萸萸自將榮

壁池望秋月

張子容

涼夜窺清沼池空水月秋滿輪沉玉鏡半魄落銀鈎蟾
影搖輕浪菱花渡淺流漏移光漸潔雲斂色偏浮似璧

悲三獻疑珠怯再投能將千里意來照楚鄉愁

秋月懸清輝

蔣防

秋月沿霄漢亭亭委素輝山明桂花發池滿夜珠歸
入牖人偏攬臨枝鵲正飛影連平野淨輪度曉雲微
晶晃浮輕露徘徊映薄帷此時千里道延望獨依依

月映清淮流

徐敞

遙夜淮彌淨浮空月正明虛無含氣白凝淡映波清
見底深還淺居高缺復盈處柔知坎德持潔表陰精
利物

功難並和光道已成安流方利涉應鑒此時情

同前

失名

淮月秋偏靜含虛夜轉明桂花窺鏡發蟾影映波生澹
灑輪初上徘徊魄正盈遙塘分草樹近浦寫山城桐栢
流光逐蠟珠濯景清孤舟方利涉更喜照前程

圓靈水鏡

徐敞

浮光上東洛揚彩滿圓靈明滅淪江水盈虛逐砌莫不
分沙岸白偏照海山青練色臨窻牖蟾光靄戶庭成輪

疑璧影初魄類弓形遠近凝清質娟娟出衆星

同前

張聿

鳳池開月鏡清瑩寫寥天影散微波上光含片玉懸菱
花凝泛灑桂樹映清鮮樂廣披雲日山濤卷露

疑作
霧

年

濯纓何處去鑿物自堪妍迴首看雲液蟾蜍勢正圓

京兆府試殘月如新月

鄭谷

見集
本

榮落何相似初終却一般猶疑和夕照誰信墮朝寒水
國輝華別詩家比象難佳人應悞拜栖鳥反求安屈指

期輪滿何心謂影殘庾樓清賞處吟徹曙鐘看

玉繩低建章

張仲素

迢迢玉繩下芒彩正闌干稍復臨鵲方疑近露寒微
明連粉蝶的皪映仙盤橫接河流照低將夜色殘天榆
隨影沒宮樹與光攢遐想西垣客長吟欲罷難

七月流火

敬括

前庭一葉下言念忽悲秋變節金初至分空一作寒火正

流氣含涼夜早光拂夏雲收助月微明散沿河麗景浮

禮標時令爽詩異

一作典

國風幽自此觀邦正

一作邦正

深知

玉葉

一作玉葉

休

壽星見

失名

玄象今何應時和政亦平祥為一人壽色映九霄明皎

潔垂銀漢光芒近十

斗疑作

城含規同月滿表瑞得天清

甘露盈條降祥煙向日生無如此嘉祉率土荷秋成

老人星

趙蕃

太史占南極秋分見壽星增輝延寶歷發曜起祥經灼

爍依狼地昭彰近帝庭高懸方杳杳孤白乍熒熒應見
光新吐休徵德自形既能符聖祚從此表遐齡

府試觀老人星

李頰

良宵出戶庭極日向青冥海內逢康日天邊見壽星臨
空遙灼灼竟曉獨熒熒春後先依景秋來忽近丁垂休
歸有道作瑞掩前經豈比周王夢徒言得九齡

虹藏不見

徐敞

迎冬小雪至應節晚虹藏玉氣徒成象星精不散光美

人初比色飛鳥罷呈祥石澗收晴影天津失彩梁霏霏
空暮雨杳杳映殘陽舒卷應時令因知聖歷長

閏月定四時

羅讓

月閏隨寒暑疇人定職司餘分將考日積算自成時律
候行宜表陰陽運不欺氣薰灰琯驗數劫卦辭推六律
文明序三年理暗移當知歲功立唯是奉無私

同前

許稷

玉歷窮三紀推為積閏期月餘因妙算歲徧自成時乍

覺年華改翻憐物候遲六旬知不忒四氣本無欺月桂
虧還正階冀落復滋從斯分歷象共仰定毫釐

同前

杜周士

得閏因貞歲吾君敬授時體元承夏道推歷法堯咨直
取歸餘改非如再失欺葭灰初變律斗柄正當離寒暑
功前定春秋氣可推更憐幽谷羽鳴躍尚須期

同前

徐至

積數歸成閏羲和職舊司分銖標斗建盈縮正人時節

候潛相應星辰自合期寸陰寧越度長歷信無欺定向
銅壺辨還從玉律推高明終不謬委鑑本無私

同前

樂伸

聖代承堯歷恒將閏正時六旬餘可借四序應如期分
至寧愆素盈虛信不欺斗杓重指甲灰琯再推離羲氏
兼和氏行之又則之願言符大化永永作元龜

玉燭

平字

員南溟

歷象璿璣正休徵玉燭明四時佳氣滿五緯太階平律

呂風光至烟雲瑞色呈
年和知歲稔道泰喜秋成
寰海皇恩被乾坤至化清
自憐同野老帝力詎能名

新陽改故陰

紇干諷

律管才推候寒郊忽變陰
微和方應節積慘已辭林
暗覺餘澌斷潛驚麗景侵
禁城佳氣換北陸翠煙深
有截知遐布無私荷照臨
韶光如可及鶯谷免幽沉

迎春東郊

張濯

顓頊時初謝勾芒令復陳
飛灰將應節賓日已知春
考

歷明三統迎祥受萬人衣冠宵執玉壇墀曉清塵肅穆
來東道回環拱北辰仗前花待發旂處柳凝新雲斂黃
山際冰開素滙濱聖朝多慶賞希為薦沉淪

同前

王綽

玉管潛移律東郊始報春鑿輿膺寶運天仗出佳辰睿
澤光時輦恩輝及物新虬螭動旌旆烟景入城闈御柳
初含色

類詩作
搖日

龍池漸啓津誰憐在陰者得與蟄蟲伸

東郊迎春

皇甫冉

曉見蒼龍駕東郊春已迎綵雲天仗合玄象太階平佳
氣山川秀和風政令行鈎陳霜騎肅御道雨師清律向
韶陽變人隨草木榮遙歡上林苑今日遇遷鶯

立春

冷朝陽

見雜
詠

玉律傳佳節青陽應北辰土牛呈歲稔綵鷺表年春臘
盡星迴次寒餘月建寅風光行處好雲物望中新流水
初銷凍潛魚欲振鱗梅花將柳色偏思越鄉人

春從何處來

白行簡

欲識春生處先從木德來入門潛報柳度嶺暗驚梅透
雪銀花散消冰水鑑開曉迎郊祀發夜逐斗杓迴淑氣
空中變新聲曲裏類詩作
雨後催偏能調律呂應是候陽臺

長安早春

前人

杳靄三春色先從帝里芳折楊猶恨短測景已忻長鸞
和紅樓樂花連紫禁香躍魚驚太液佳氣接溫湯風送
飛珂響塵蒙翠輦光熙熙晴煦遠徒欲奉堯觴

同前

張子容

開國移東井城池對北辰咸歌太平日共樂建寅春雪
盡黃山樹水開黑水津草迎金埒馬花伴玉樓人鴻漸
看無數鷺遷聽欲頻何當桂枝濯還及柳條新

春色滿皇州

沈亞之

何處春歸

一作揮

好偏宜在雍州花明夾城道柳暗曲江

頭風軟遊絲重光融瑞氣浮關鷄憐短草乳鶯傍高樓

繡轂盈香陌新泉溢御溝行

一作迴

看日欲暮迴騎似川

流

同前

滕邁

類詩作
薛能

藹藹復悠悠春歸十二樓最明雲裏闕先滿日邊州色

媚青門外光搖紫陌頭上林榮舊樹太液鏡新流

類詩
作汎

新流暖帶祥烟起清

一作
晴

添瑞景浮陽和如啓蟄從此事

芳遊

同前

裴夷直

寒銷山水地春遍帝王州北闕晴光動南山喜氣浮天
紅粧暖樹急綠走陰溝思婦開香閣玉孫上玉樓氛氳

直城北駘蕩曲江頭今日靈臺下翻然却是愁

同前

封教

帝里春光正葱龍喜氣浮錦鋪仙禁側鏡寓曲江頭紅
萼開蕭閣黃絲拂御樓千門歌吹動九陌綺羅遊日近
風先滿仁深澤共流應非顯悴質辛苦在神州

同前

張嗣初

何處年華好皇州淑氣勻韶陽潛應律草木暗迎春柳
變金堤畔蘭抽曲水濱輕黃垂輦道微綠映天津麗景

浮丹闕晴光擁紫宸不知幽遠地今日幾枝新

首夏猶清和

張律

類詩作
黎逢

早夏宜初景和光起禁城祝融將御節炎帝啓朱明日

送殘花晚

類詩作日
映林花麗

風過

類詩作
風高

御苑清郊原浮麥氣

池沼發荷英樹影臨山動

類詩作
山與

禽飛入漢輕幸逢堯

禹化全勝谷中情

文苑英華卷一百八十一

欽定四庫全書

文苑英華卷一百八十二 宋 李昉等 編

省試三

青雲干呂四首 白雲起封中二首

立春日曉望三素雲三首

春雲三首 山出雲四首

南至日太史登臺書雲物二首

華山慶雲見一首 上黨奏慶雲見一首

梢雲一首

寒雲輕重色一首

白雲向空盡一首

望禁門松雪一首

都堂試貢士日慶春雪三首

望終南春雪一首

春雪映早梅一首

墻陰殘雪一首

早春殘雪二首

春雨如膏一首

清露被臯蘭一首

宿煙含白露一首

風草不留霜一首

白露為霜二首

薦冰五首

府試水始冰一首

履春冰二首

觀藏冰一首

青雲千呂

林

藻

類詩作
吳泌

應節偏千呂亭亭在紫氛綴雲初度

類詩作綴
空初布

影捧日

已成文結蓋祥光迥爲樓

類詩作
爲峯

翠色分還同起封上

更似出橫汾作瑞來藩國呈形表聖君徘徊如有託

類詩

作知
有謂誰道比閒雲

同前

令狐楚

郁郁復紛紛青霄干呂雲色今天下見候向管中分遠
覆無人境遙彰有德君瑞容驚不散冥感信稀聞湛露
羞依草南風耻帶薰恭惟漢武帝餘烈尚氛氲

同前

王履貞

異方占瑞氣干呂見青雲表聖興中國來王見六君

類詩

作謁大君

迎祥殊大樂叶慶類橫汾自感明時起非因觸石

分映霄難辨色從吹乍成文須使留

一作流

千載垂芳在

典墳

同前

彭 伉

祥輝上千呂郁郁又紛紛遠示無為化將明至道君勢
凝千里靜色向九霄分已見從龍意寧知觸石文狀烟
殊散漫捧日更氤氲自使來賓國西瞻仰瑞雲

白雲起封中

張嗣初

英英白雲起呈瑞出封中表聖寧因地逢時豈待風浮
光彌皎潔流影更冲融自叶堯年美誰云漢日同金泥
光乍掩玉檢氣潛通欲與非烟並亭亭不散空

同前

李正辭

類詩作
陳希烈

千年泰山頂雲起漢皇封不作竒峯狀寧分觸石容為
霖雖易得表聖自難逢冉冉排空上依依疊影重素光
非曳練靈貺是從龍豈學無心出東西任所從

立春日曉望三素雲

李季何

貞元十一
年見雜詠

靄靄青春曙飛仙駕五雲浮輪初縹緲

古今共用此二
字或疑韻書不

收緲字遂改
作取下同

承蓋下氤氳薄影隨風度殊容向日分羽

毛紛共遠環珮杳猶聞靜合煙霞色遙將鸞鶴羣年年

瞻此御應許從元君

同前

陳師穆

晴曉仲疑春日高心望素雲彩光浮玉輦紫氣隱元君

縹緲中天去逍遙上界分鸞驂攀不及仙吹遠難聞禮

候於斯覩明循

二字疑

在解紛人歸懸想處霞色自氤氳

同前

李應

玄鳥初來日靈仙望處

雜詠作裏

分水容朝上界玉輦擁朝

雲碧落流輕豔紅霓間彩文帶煙時縹緲向斗更氤氳

鬢髯隨風馭迢迢出曉雲
茲辰三見後希得從元君

春雲

鄧倚

搖曳自西東依林又逐風
勢移青道裏影泛綠波中
夕霽方明日朝陽復蔽空
度關隨去馬出塞引歸鴻
色任寒暄變光將遠近同
為霖如見用還得助成功

同前

焦郁

漫漫天涯色乘春四望平
不分殘照影何處斷鴻聲
繞先經塞霏微近過城
因風低未斂帶雨重還輕
干呂

知時泰如膏候歲成小儒同品物無以荅皇明

同前

裴澄

漠漠復溶溶乘春任所從映林初展葉觸石未成峯旭
日消寒翠晴煙點淨容霏微將似滅深淺又如重薄彩
臨溪散輕陰帶雨濃空餘負樵者嶺上自相逢

山出雲

陸暢

靈山蓄雲彩紛郁出清晨望樹繁花白看峯小雪新映
松張蓋影依澗布魚鱗高似從龍處低如觸石頻濃光

藏半岫淺色類飄塵玉葉開天際遙憐占早春

同前

張復

山靜雲初吐霏微觸石新無心離碧岫有葉占青春散
類如虹氣輕同不讓塵陵空還似翼映澗欲成鱗異起
臨汾鼎凝隨出峽神為霖終濟旱非獨降賢人

同前

李紳

杳靄祥雲起飄颻翠嶺新瑩峯開石秀吐葉間松春林
靜翻空少山明度嶺頻迴崖時掩鶴幽澗或隨人姑射

朝凝雪陽臺晚伴神悠悠九霄上應坐玉京賓

同前

張勝之

片雲初出岫孤迥色難親蓋小辭山近根輕觸石新飄
飄經綠野明麗照晴春拂樹疑舒葉臨流似結鱗從龍
方有感捧日豈無因省取為霖去恩霑雨露均

南至日太史登臺書雲物 裴達

圓丘纔展禮佳氣近初分太史方

一作新

簪筆高臺起

一作

紀 彩雲天容

一作煙空

和縹緲曉色共氛氳道泰資賢輔年

豐荷聖君恭惟同

一作同

國瑞兼用察人

一作天

文應念懷

鉛客終朝望碧霄

一作昏雜詠

同前

于尹躬

至日行時令登臺約禮文官稱伯趙氏色辨五方雲畫

漏聽初發陽光望漸分司

雜詠作用

天為歲備持簡出人羣

惠愛周微物生靈荷聖君長當有嘉瑞郁郁復紛紛

華山慶雲見

失名

聖主祠名岳高風發慶雲金柯初繚繞玉葉漸氛氳氣

色含珠日光明吐翠霧依稀來鶴態髮髻列仙羣萬樹
流光影千潭寫錦文蒼生忻有望祥瑞在吾君

上黨奏慶雲見

李紳

飛龍久馭宇真氣尚興雲五色傳嘉瑞千齡表聖君從
風忽蕭索依漢更氛氲影徹天初霽光鮮日未曛表祥
近自遠

類詩作
來自遠

垂化聚還分寧作無依者空傳陶令文

梢雲

羅讓

類詩作
曹松

殊質資靈眈陵空發瑞雲梢梢含樹彩

類詩作
樹影

郁郁動

霞文不比因風起全非觸石分葉光閃泛灑枝杪靜氛
氳隱見心無宰徘徊慶自君翻飛如可託長願在橫汾

寒雲輕重色

張仲素

佳期當可許託思望雲端鱗影朝猶落繁陰暮自寒因
風方嫋嫋間石已漫漫隱映看鴻度霏微覺樹攢凝空
多似黛引素乍如紈每向愁中覽含毫欲狀難

白雲向空盡

周存

類詩作
焦郁

白雲生遠岫搖曳入晴空乘化隨舒卷無心任始終欲

銷仍向日

類詩作帶日

將斷或因

類詩作更因

風勢薄飛難定天

高色易窮影收元氣表光滅太虛中况若從龍去

一作出

還施潤物功

類詩作憺若從龍去還施濟物功

望禁門松雪

王涯

宿雲開霽景佳氣此時濃瑞雪凝清禁祥烟暮小松依
稀鴛瓦出隱映鳳樓重金闕晴光照瓊枝瑞色封葉鋪
全類玉柯偃乍疑龍詎比寒山上風霜老昔容

都堂試貢士日慶春雪

李衢

錫瑞來豐歲旌賢入貢辰輕搖梅共笑飛嫋柳知春遶
砌封瓊屑依階噴玉塵蜂蟬吟更古科斗映還新鶴吹
疑
迷難辨冰壺鑿易真因歌大君德率舞詠陶鈞

同前

李景

密雪分天路羣才坐粉廊靄空迷晝景臨宇借寒光似
暖花消地無聲玉滿堂灑詞偏誤曲留硯忽因方幾處
曹風比何人謝賦長春暉早相照莫滯九衢芳

同前

李損之

春雪書悠颺飄飛試士場綴毫疑起草沾字共成章
匝地如鋪練凝階似截肪鵝毛縈樹合柳絮帶風狂
息疫方殊慶豐年已報祥應知郢上曲高唱出東堂

望終南春雪

李子卿

山勢抱西秦初年瑞雪頻色搖鶉野霽影落鳳城春
皜耀瓊一作輝峯逼晶明玉樹親尚寒由氣勁不夜為光

耀銀

新荆岫全疑近崑丘宛合隣餘輝儻可借迴照讀書人

春雪映早梅

庾敬休

清晨凝雪彩新候變庭梅樹愛春榮徧窓驚曙色催寒
光添粉壁積潤履青苔分明六出瑞隱映幾枝閒聞笛
花疑落揮琴興轉來曲成非寡和長使思悠哉

墻陰殘雪

可頰瑜

積雪還因地墻陰久尚殘影添斜月白光借夕陽寒皎
潔開簾近清熒步履看狀花飛着樹如玉不成盤冰薄
方寧及霜濃比亦難誰憐高卧處歲暮嘆袁安

早春殘雪

裴乾餘

霽日彫瓊彩幽庭減夜寒梅飄餘片積日墮晚光殘零
落偏依桂霏微不掩蘭陰林披霧縠一作縠小沼破冰盤
曲檻霜凝砌踈篁玉碎竿已聞三徑好猶可訪袁安

同前

施肩吾

春景照林巒玲瓏雪影殘井泉添碧甃藥圃洗朱欄雲
路迷初醒書堂映漸難花分梅嶺色塵減玉堦寒遠稱
棲松鶴高宜點露盤佇逢春律後陰谷始堪看

春雨如膏

喻鳧

暮暮歛輕塵濛濛濕野春細光添柳重幽點濺花勻慘
淡游絲景陰沉落絮辰迴低飛蝶翅寒滴語禽身洒岳
摧餘雪吹江疊遠蘋東城與西一作南陌晴後趣何新

清露被臯蘭

孫 顧

九臯蘭葉茂八月露花清稍與秋陰合還將曉色并向
空羅細影臨水泫微明的皜添幽興芊綿動遠情夕芳
人未採初降鶴先驚為感生成惠心同葵藿傾

宿烟含白露

失 名

枅枅有新意
微微曙色幽
露含踈月靜
光與曉煙浮
迥野遙凝素
空林望已秋
著霜寒未結
凝葉滴還流
碧玉偏清潔
如珠詎可收
徘徊阡陌上
瞻想但淹留

風草不留霜

王景中

繁霜當永夜
寒草正驚風
飄素衰蘋末
流光晚蕙叢
悠揚方泛影
皎潔却飛空
不定離披際
難凝蘼薈中
低昂閒散質
肅殺想成功
獨感玄暉詠
依依此夕同

白露爲霜

顏 粲

悲秋將歲晚繁露已成霜徧渚蘆先白露離菊自黃應
鐘鳴遠寺擁鴈度三湘氣逼襦衣薄寒侵宵夢長滿庭
添月色拂水斂荷香獨念蓬門下窮年在一方

同前

徐敞

早寒青女至零露結為霜入夜飛清景陵晨積素光
星初暫葭莢復蒼蒼色冒沙灘白威加木葉黃鮮輝
襲紈扇殺氣掩干將葛屨那堪履徒令君子傷

薦水

鮑溶

西陸宜先啓春寒寢廟清
厯官分氣候天子薦精誠
已辨瑤池色如和玉珮鳴
禮餘神轉肅曙後月殘明
雅合冰容潔非同雪體輕
空憐一掬水珍重此時情

同前

趙蕃

仲月開凌室齊心感聖情
寒姿分玉坐皎質發丹楹
積素因風壯虛空向日明
遙涵窻戶冷近映冕旒清
在掌光逾澈當軒質自輕
良辰方可致由此表精誠

同前

盧鈞

薦冰朝日後闕廟曉光清不改晶瑩質能彰雨露情且
無霜比耀豈與水均明在捧搖寒色當呈表素誠凝姿
陳俎豆浮彩映璵玕皎皎盤盃側稜稜嚴氣生

同前

范傳質

乘春方啓閉羞獻有常程潔朗寒光徹輝華素彩明色
凝霜雪靜影照冕旒清肅肅將崇禮兢兢示捧盈方圓
陳玉座小大表精誠朝覲當西陸桃弧每共行

同前

陳至

凌寒開固洵寢廟致精誠色靜澄三酒光寒肅兩楹形
鹽非近進玉豆為潛英禮自春分展堅從北陸成藉茅
心共結出鑑水漸明幸得來觀薦靈臺一小生

府試水始水

馬戴

南池寒色動北陸歲陰生薄薄流漸聚瀰瀰

集作微微

翠湫

平暗霑霜稍厚迴照日還輕乳竇懸殘滴相流減恨聲
即堪金井貯會映玉壺清潔白心誰識空期飲此明

履春水

張蕭遠

一步一愁新輕輕恐陷人薄光全透日殘色半消春蟬
想行時翼魚驚踏處鱗底虛難動足岸闊怯迴身豈暇
躊躇久寧容顧盼頗願將矜慎意從此越通津

同前

舒元興

投跡清水上凝光動早春兢兢愁陷履步步怯移身鳥
照微生水狐聽或過人細遷形外影輕躡鏡中輪咫尺
憂偏遠危疑懼已頻願堅容足分莫使獨驚神

觀藏冰

張彙征

寒氣方窮律陰精正結水體堅風帶壯影素月臨凝冬
賦凌人掌春期命婦升鑿來壺色澈納處鏡光澄魯史
魯流問幽詩舊見稱同觀里社享王道頌還興

文苑英華卷一百八十二

欽定四庫全書

文苑英華卷一百八十三

宋 李昉等 編

省試四

風光草際浮五首

春風扇微和九首

風不鳴條六首

景風扇物一首

清風戒寒二首

冬至日祥風應候一首

八風從律一首

春風扇微和一首

河出榮光二首

洛出書四首

秋霽望廬山瀑布一首 涇渭揚清濁一首

春水綠波一首 四水合流一首

海水不揚波一首 空水共澄鮮一首

曲池潔寒流一首 寒流聚細文一首

奉詔漲曲江池一首 昆明池石織女一首

濟川用舟楫一首 天際識孤舟一首

風光草際浮 裴杞

澹蕩和風至芊綿碧草長徐吹遙撲翠半偃乍浮光葉

似翻宵露藜疑扇夕陽逶迤明曲渚照耀滿迴塘白芷
生還暮崇蘭泛更香誰知攬結處含思向餘芳

同前

張復元

纖纖春草長遲日度風光霍靡含新彩霏微籠遠芳殊
姿媚原野佳色滿池塘最好垂清露偏宜帶艷陽淺深
浮嫩綠輕麗拂餘香好助鴛鴦勢乘時翼便翔

同前

陳璣

春風泛瑤草九日遍神州已向花間積還來葉上浮曉

光綠圓麗芳氣滿街流澹蕩依朱萼颺颺帶玉溝向空
看轉媚臨水見彌幽况被崇蘭色王孫正可遊

同前

吳 祕

草色春沙裏風光曉正幽輕明搖不散郁昱麗仍浮吹
緩苗難轉暉閒葉本柔碧疑烟彩入紅是日華流耐可
披襟對誰應滿掬收恭閒擬芳客為此尚淹留

同前

陳 祐

秀發王孫草春生君子風光搖低偃處影散艷陽中稍

稍移蘋末微微轉蕙叢浮烟傾綠野遠色澹晴空泛彩
池塘媚含芳景氣融清暉誰不挹幾許賞心同

春風扇微和

陳九流

喜見陽和至遙知橐籥功遲遲散南陌裊裊逐東風暗

入芳

一作畦

園裏潛吹草木中蘭蓀纔有綠桃杏未成紅

已覺寒光盡還看淑氣通由來榮與悴今日發應同

同前

張彙

木德生和氣微微入曙風暗催南向葉漸翦北歸鴻澹

蕩侵冰谷悠揚轉蕙藂拂塵迴廣路泛籟過遙空暖上
煙光際雲移律候中扶搖如可借從此戾蒼穹

同前

范傳正

暖曖當遲日微微扇好風吹搖新葉上光動淺花中澹
蕩凝清晝氤氳暖碧空稍看生綠水已覺散芳藂徙倚
情偏適徘徊賞未窮妍華不可狀竟夕氣融融

同前

陳通方

習習和風扇悠悠淑氣微陽升知候改律應喜春歸池

柳晴初折林鴛暖欲飛川原浮彩翠臺館動光輝泛豔
搖丹闕揚芳入粉闈發生當有分枯朽幸因依

同前

柳道倫

青陽初入律淑氣應春風始辨梅花裏俄分柳色中依

微開夕

一作
晚

照澹蕩媚晴空拂水生蘋末經巖觸桂藂

稍抽蘭葉紫微吐杏花紅願逐仁風布將裨生植功

同前

崔立之

時令忽已變年光俄又春高低惠風入遠近芳氣新靡

靡纒偃草冷冷不動塵溫和乍扇物煦嫗偏感人去出
桂林漫來過蕙圃頰晨輝正澹蕩披拂長相親

同前

郭遵

微風飄淑氣散漫及茲晨習習何處至熙熙與春親暖
空看早辨映日度逾頻高拂非煙雜低隨衆卉新霽天
輕有靄綺陌盡無塵還似登臺意元和欲煦人

同前

豆盧榮

春晴生縹緲軟吹和初遍池影動瀟淪山容發蔥蒨遲

遲入綺閣習習流芳甸樹杪颺鷺啼堦前落花片韶光
恐閒放旭日宜遊宴文客拂塵衣仁風願迴扇

同前

邵偃

微風扇和氣韶景共芳晨始見郊原綠旋過御苑春三
條開廣陌八水汎通津烟動花間葉香流馬上人逶迤
雲彩曙嘹唳鳥聲頻為報東堂客明朝桂樹新

風不鳴條

盧肇

習習和風至過條不自鳴暗通青律起

集作
煖

遠望白蘋

生拂樹花仍落經林鳥自詎

一作詎

驚幾牽蘿蔓動潛惹柳

絲輕入谷迷松響

一作幽澗
迷松韻

開

一作開

窻失竹聲薰絃方

在御萬國仰皇情

同前

姚鵠

吾君理化清上瑞報昇平曉吹何曾息柔條自不鳴花
香知暗度柳色覺潛生只見低垂勢那聞擊觸聲大王
初溥暢少女正輕盈幸遇無私力幽芳願發榮

同前

黃

頗

類詩作
舒元興

五緯

類詩作
習習

起祥颺無聲瑞聖朝
稍開含露藥

類詩作
露夢

纔轉惹煙條
密葉應潛變

類詩作
潛長

低枝幾暗搖
林間鬪

欲嚙花下蝶
微飄初滿綠
堤草因生逐
水苗太平無一

事天外奏虞韶

類詩作
雲韶

同前

左 牢

類詩作
章孝標

旭日懸清景
微風在綠條
入松聲不發
過柳影空搖
長

養應潛變

一作
遍

扶疎每暗飄
有林時嫋嫋
無樹漸蕭蕭

誤逐青烟散
輕和樹色饒
豐年知有待
歌詠美唐堯

同前

王甚夷

聖日祥風起韶暉助發生
蒙蒙遙野色裊裊細條輕
荏弱看漸動怡和吹不鳴
枝含餘露濕林霽曉烟平
縹緲春光媚悠揚景氣晴
康哉帝堯代寰宇共澄清

同前

金厚載

寂寂曙風生遲遲散野輕
露華搖有滴林葉裊無聲
暗剪藜芳發空傳谷鳥鳴
悠揚韶景靜淡蕩霽煙橫
遠水波瀾息荒郊草樹榮
吾君垂至化萬類共澄清

景風扇物

張聿

何處青蘋末，呈祥起遠空。曉來搖草樹，輕度淨塵蒙。

類詩

作輕去
動溟濛

水上微波動，林前媚景通。寥天鳴萬籟，蘭徑長

幽藂。漸颺搏扶勢，應從索籥中。

類詩作
籥功

開襟若有日，願

覩大王風。

清風戒寒

前人

蕭颯清風至，悠然發思端。入林翻別葉，繞樹敗紅蘭。曉
拂輕霜度，宵分遠籟攢。稍依簾隙靜，遍覺座隅寒。乍逐

驚蓬振偏催急漏殘遙知洞庭水此夕起波瀾

同前

穆寂

風清物候殘蕭灑報將寒掃得天衢靜吹來眼界寬
條鳴方有異蟲思亂無端就樹收鮮膩衝池起澁瀾
過山嵐可掬度月色宜看華實從茲始何嗟歲序殫

冬至日祥風應候

前人

節逢清景空占氣二儀中獨善登臺日先知應候風呈
祥光舜化表慶感堯聰既一作况與乘時叶還將入律同

微微萬井遍習習九門通更繞爐烟起殷勤報歲功

八風從律

蔣防

製律窺元化因聲感八風還從萬籟起更與五音同習

習爐烟

類詩作
蘆灰

上冷冷玉管中氣隨時物好響徹霽天

空自得陰陽順能令惠澤通願吹寒谷裏從此達前蒙

春風扇微和

公乘億

咸通
宏詞

麗日催遲景和風扇早春暖浮丹鳳闕韶媚黑龍津澹
蕩迎仙仗霏微送畫輪綠搖宮柳散紅待禁花新舞席

潛迴雪歌筵暗起塵幸當陽候律一願及佳辰

河出滎光

張良器

引派崑山峻朝宗海路長千齡逢聖主五色瑞滎光
隱映浮中國晶明助太陽坤維連浩漫天漢接微茫
丹闕清氛裏函關紫氣旁位尊常守伯道泰每呈祥
習坎靈逾久居卑德有常龍門如可涉忠信是舟梁

同前

失名

符命自陶唐吾君應會昌十年清德水九折滿滎光
極

岸浮佳氣微波照夕陽
澄輝明貝闕散彩入龍堂
近帶關雲紫遙連日道黃
馮夷矜海若漢武貴宣房
漸沒孤槎影仍呈一葦杭
撫躬悲未濟作頌喜時康

洛出書

蕭昕

海內昔凋瘵天網斯濇
滂龜靈啓聖圖龍馬負書出
大哉明德盛遠矣彝倫秩地
敷作乂功人免為魚恤既彰
千國理豈止百川溢永賴至
于今疇庸未云畢

同前

郭邕

德合天貺呈龍飛聖人作光宅被寰區圖書薦河洛象
登四氣順文闢九疇錯氤氳瑞彩浮左右靈儀廓微造
功不宰神行利攸博一見皇家慶方知禹功薄

同前

張欽敬

浮空九洛水瑞聖千年質竒象八卦分圖書九疇出含
微卜筮遠抱數陰陽密中得天地心傍探鬼神吉昔聞
夏禹代今獻唐堯日謬此叙彞倫寰宇賀清謐

同前

叔孫元觀

清洛含溫溜玄龜薦寶書波開綠字出瑞應紫宸居物
著羣靈首文成列卦初美珍翔閣鳳慶邁躍舟魚俾似
惟何遠休皇復在諸東都主人意歌頌望乘輿

秋霽望廬山瀑布

夏侯楚

常思瀑布幽晴眺喜逢秋一帶連青嶂千尋倒碧流濕
雲應悞鶴翻浪定驚鷗星浦虹初下爐峯煙未收巖高
時裊裊天淨起悠悠儻見朝宗日還須濟巨舟

涇渭揚清濁

呂牧

涇渭橫秦野逶迤近帝城二渠通作潤萬戶映皆清明
晦看殊色潺湲聽一聲岸虛深草掩波動曉烟輕御獵
思投釣漁歌好濯纓合流知禹力同共到滄瀛

春水淥波

朱休

芳時淑氣和春水澹烟波滉漾滋蘭杜淪連長芰荷晚
光扶翠湫潭影瀉清莎歸鴈追飛盡纖鱗游泳多朝宗
終到海潤下每盈科願假中流便從茲發棹歌

四水合流

李沛

禹鑿山川地因通四水流縈迴過鳳闕會合出皇州天
影長波裏寒聲占疑渡頭入河無晝夜歸海有謙柔順
物宜投石逢時可載舟美魚猶未已臨水欲垂鉤

海水不揚波

失名

明朝崇大道寰海免波揚既合千年聖能安百谷王天
心隨澤廣水德共靈長不撓魚彌樂無瀾葦可杭化流
雷率土恩寢及殊方豈只朝宗國惟聞有越裳

空水共澄鮮

前人

悠然四望通渺渺水無窮海鶴飛天際煙林出鏡中雲
霄澄遠碧霞起澹微紅落日浮光滿遙山翠色同樵聲
喧竹嶼棹唱入蓮葉遠客舟中興煩襟暫一空

曲池潔寒流

崔立之

閒尋欹岸步因向曲池看透底何澄澈迴流乍屈盤稍
隨高樹古迥與遠天寒月入鏡華轉星臨珠影攢纖鱗
時蔽石轉吹或生瀾願假涓微效來濡拙筆端

寒流聚細文

失名

曉野方閒眺橫溪賞亂流寒文趨浦急圓折逐煙浮不
似飄踈雨非關浴遠鷗觀魚鱗共細間石影疑稠獵獵
風冷夕潺潺瀨響秋仙槎如共泛天漢適淹留

奉詔

集作
試

漲曲江池

鄭

谷

乾符丙
申歲春

王澤尚通津恩波此日新深宜一夜雨遠

集作
宛

似五湖

春泛濫翹振鷺澄清躍紫鱗翠低孤

集作葉
低臨

嶼柳香失

半汀蘋鳳輦尋佳境龍舟命近臣桂華如入手願作從

遊人

昆明池石織女

童翰卿

又云司馬復

一片昆池石千秋織女名象星何皎皎依水更盈盈苔
作輕裾色波為促杼聲岸雲連鬢濕沙月對眉生有臉
蓮同笑無心鳥不驚還如朝鏡裏形影兩分明

濟川用舟楫

胡權

渺渺水連天歸程想幾千孤舟辭曲岸輕楫濟長川迥
指波濤雪迴瞻島嶼煙心迷滄海上目斷白雲邊泛濫
雖無定維持且自專還如聖明代理國用英賢

文苑英華卷一百八十三


天際識孤

一作
認歸

舟

薛能

斜日滿江樓，天涯照背流。
同人在何處，遠目認孤舟。
帆省當時席，歌聞舊日謳。
人浮津濟晚，棹泛沅寥秋。
晴閣欣全見，歸遲恹久遊。
離居意無限，貪此望難休。



欽定四庫全書

集部

文苑英華卷一百八十四至
九

詳校官太僕寺少卿_臣李廷欽

助教_臣常循覆勘

總校官進士_臣朱鈐

校對官中書_臣高中

謄錄監生_臣官懋珩

太常觀閱驃國新樂一首

郊壇聽雅樂一首

舞千羽兩階一首

朱絲絃一首

夫子鼓琴得其人一首

夜聞洛濱吹笙一首

緱山月夜聞王子晉吹笙二首

湘靈鼓瑟五首

霓裳羽衣曲一首

寒夜聞霜鐘二首

曉聞長樂鐘聲一首

聽霜鐘二首

律中應鐘一首

欽定四庫全書

文苑英華卷一百八十四 宋 李昉等 編

省試五

釋奠日國學觀禮聞雅頌二首

貢舉人謁先師聞雅樂二首

太常寺觀舞聖壽樂一首

冊上公太常奏雅樂一首

曉過南宮聞太常清樂二首

笙磬同音一首

范成君擊洞陰磬一首

終南精舍月中聞磬二首

泗濱得石磬一首

風箏一首

聽郢客歌陽春白雪一首

尚書郎上直聞春漏三首

雪後觀象闕待漏一首 太清宮聞滴漏一首

百官乘月早朝聽殘漏一首

春臺晴望三首

釋奠日國學觀禮聞雅頌

滕 珣

太學時觀禮東方曉色分威儀何棣棣環珮又紛紛古
樂從空盡清歌幾處聞六和成遠吹九奏動行雲聖上
尊儒樂春秋奠茂勳幸因陪齒列聊以頌斯文

同前

令狐 峒

肅肅先師廟依依胄子羣滿庭陳舊禮開戶拜清芬萬
舞當華燭簫韶入翠雲頌歌侵曉聽雅吹度風聞澹泊
調元氣中和美聖君惟餘東魯客蹈舞向南薰

貢舉人謁先師聞雅樂

呂 昺

禮聖來羣彥觀光在此時聞歌音乍遠合樂和還遲調
朗能諧竹聲微又契絲輕冷流篋虞繚繞動纓綉九變
將隨節三終必盡儀國風由是正王化自雍熙

同前

王 起

藹藹觀光士來同鵠鷺羣鞠躬遺像在稽首雅歌聞度
曲飄清漢餘音遏曉雲兩楹淒已合九仞杳難分斷續
同清吹洪纖入紫氛長言聽已罷十載仰斯文

太常寺觀舞聖壽樂

徐元弼

舞字傳新慶人文邁舊章冲融和氣洽悠遠聖功長
德流無外明時樂未央日華增顧盼風物助低昂
方齊首高鴻忽斷行雲門與茲曲同是奉陶唐

冊上公太常奏雅樂

前人

司樂陳金石逶迤引上公奏音人語絕清韻珮聲通
律烟雲改來儀鳥獸同得賢因舉頌脩禮便觀風
聖壽三稱內天歡九奏中寂寥高曲盡猶自滿宸聰

曉過南宮聞太常清樂

陸贄

南宮聞古樂拂曙聽初驚
烟靄遙迷處絳桐暗辨名節
隨新律改聲帶緒風輕合雅將移俗同
和自感情遠音
兼曉漏餘響過春城九奏明
初日寥寥天地清

同前

張濛

玉珂經禮寺金奏過南宮
雅調乘清曉飛聲向遠空
漫隨飄去雪輕逐度來風
迥出重城裏旁聞九陌中
應將肆夏比更與五英同一聽
南薰曲因知大舜功

太常觀閱驃國新樂

胡直鈞

異音來驃國初被奉常人纔可宮商辨殊驚節奏新轉
規迴繡面曲折度文身舒散隨鸞吹喧呼雜鳥春襟在
懷舊識絲竹變恆陳何事留中夏長令表化淳

郊壇聽雅樂

前人

泰壇恭祀事彩仗下寒垆展禮陳嘉樂齊心動衆靈韻
長飄更遠曲度靜宜聽泛響何清越隨風散杳冥微懸
和氣聚旋退曉山青本自鈞天降還疑列洞庭

舜千羽兩階

石倚

千羽能柔遠前階舞正陳欲稱文德盛先表樂聲新肅
肅行初列森森氣益振動容和律呂變曲靜風塵化美
超千古恩波及七旬已知天下服不獨有苗人

朱絲絃

楊 衛

寂寞瑤琴上深知直者情幸傳朱鷺曲那止素絲名瑞
草人空仰王言世久行大方聞正位樂府動清聲文武
音初合宮商調屢更誰能向機杼終日泣無成

夫子鼓琴得其人

白行簡

宣父窮玄奧師襄授素琴稍殊流水引全辨聖人心慕
德聲逾感懷人意自深泠泠傳妙手撼撼振空林促調
清風至操絃白日沉曲終情不盡千古仰知音

夜聞洛濱吹笙

張仲素

王子十年後笙音五夜聞逶迤繞清洛斷續下仙雲泄
泄飄難定啾啾曲未分松風助幽律波月動輕文鳳管
聽何遠鸞聲若在羣暗空思羽蓋餘氣自氛氲

緱山月夜聞王子晉吹笙

厲玄

緱山明月夜岑寂，
隔塵氛紫府參差曲。
清宵次第聞韻流，
多入洞聲度半和雲。
拂竹鸞鷲侶，
經松鶴舞羣蟾光。
聽處合仙路，
望中分坐惜千岳。
曙遺音過汝墳。

同前

鍾輅

月滿緱山夜風傳，
子晉笙初聞盈谷。
遠漸聽入雲清，
杳異人間曲遙分。
鶴上情孤鸞鷲欲舞，
萬籟寂無聲此夕。
留烟駕何時返，
玉京唯愁音響絕。
曉色出都城。

湘靈鼓瑟

魏瓘

瑤瑟多哀怨，朱絃且莫聽。
扁舟三楚客，藜竹二妃靈。
淅瀝聞餘響，依稀欲辨形。
柱間寒水碧，曲裏暮山青。
良馬悲銜草，遊魚思繞萍。
知音若相遇，終不滯南溟。

同前

錢起

天寶十載

善撫一作鼓雲和瑟，常聞帝子靈。
馮夷空自舞，楚客不堪

聽逸韻，諧一作若調淒

金石清音發一作入

杳冥蒼梧來一作成

怨慕。白芷動芳馨，流水傳湘浦。
悲風過洞庭，曲終人不

見江上數峯青

同前

陳季

神女泛瑤瑟古祠巖野亭楚雲來泱漭湘水助清泠妙

指微幽契繁聲入杳冥一彈新月

一作斜日

白數曲暮山青

調苦荆人怨時遙帝子靈遺音如可賞試奏為君聽

同前

莊若訥

帝子鳴金瑟餘聲自抑揚悲風絲上斷流水曲中長出
沒遊魚聽透迤彩鳳翔微音時扣徵雅韻乍含商神理

誠難測幽情詎可量至今聞古調應恨滯三湘

同前

王 豈

寶瑟和琴韻靈妃應樂章依佈聞促柱髮髻夢新粧波
外聲初發風前曲正長淒清和萬籟斷續繞三湘轉覺
雲山迥空懷杜若芳誰能傳此意雅會在宮商

霓裳羽衣曲

李 肱

開元太平時萬國賀豐歲梨園獻

文粹
作獻

舊曲玉座流新

製鳳管遞參差霞衣競搖曳宴罷水殿空輦餘春草細

蓬壺事已久仙樂功無替誰文粹作詎肯聽遺音聖明知善

繼

寒夜聞霜鐘

鄭 絀

霜鐘初應律寂寂出重林拂水宜清聽凌空散迥音春
容時未歇搖曳夜方深月下和虛籟風前聞疑作遠砧

淨蕪寒漏徹閑畏曙更侵遙想千山外泠泠何處尋

同前

盧景亮

洪鍾發長夜清響出層岑暗入繁霜切遙傳古木深何

城亂遠漏幾處雜踈砧已警離人夢仍知旅客襟待時
當命侶抱器本無心儻若無知者誰能設此音

曉聞長樂鐘聲

戴叔倫

漢苑鐘聲早秦郊曙色分霜凌萬戶徹風散一城聞已
啓蓬萊殿初朝鴛鴦羣虛心方應物大扣欲干雲近雜
鷄人唱新傳鳧氏文能令翰苑客流聽思氛氳

聽霜鐘

失名

泐泐飛霜夜寥寥遠岫鐘出雲疑斷續入戶乍春容度

枕頰驚夢隨風幾韻松悠揚來不已杳靄去何從髮髯
煙嵐隔依佈巖嶠重此時聊一聽餘響繞十峯

同前

失名

寥亮來豐嶺分明辨古鐘應霜如自擊中節每相從靜
聽非聞扣潛應蘊聖蹤風間時斷續雲外更春容虛警
和清籟雄鳴隔亂峯因知一作諭知已一作感激更難
逢

律中應鍾

裴元

律窮方數寸室暗在三重伶管灰先動秦正節已逢商
聲辭玉笛羽調入金鍾密葉翻霜彩輕冰斂水容望鴻
南去絕迎氣北來濃願託無凋性寒林自比松

笙磬同音

失名

笙磬聞何處淒鏘宛在東激揚音自徹高下曲宜同歷
歷俱盈耳泠泠遞散空獸因繁奏舞人感至和通詎間
洪纖韻能齊搏拊功四懸今盡美一聽辨移風

范成君擊洞陰磬

范傳正

歷歷聞金奏，微微下玉京。
為詳家牒久，偏識洞陰名。
澹佇人間聽，鏗鏘古曲成。
何須百獸舞，自暢九天情。
注目看無見，留心記未精。
雲霄如可託，借鶴向層城。

終南精舍月中聞磬

呂 溫

月中

一作
峯

禪室掩幽徑

一作
磬

淨昏氛，思入空門妙聲從。

覺路聞泠泠，流衆

一作
滿虛

壑杳杳出重

一作
寒

雲天籟，疑難

辨霜鐘，詎可分，偶來依

一作
遊

法界，便欲謝人羣，竟夕聽。

真響荷花積露文

一作
塵心
自鮮紛

同前

獨孤申叔

精廬慙

疑

夜景天宇滅埃氛幽磬此時擊餘音幾處聞

隨風樹杪去支策月中分斷絕如殘漏淒清不隔雲羈
人方罷夢獨鴈忽迷羣響盡河漢落千山空糾紛

泗濱得石磬

李勣

浮磬潛清深依依呈碧潄出水見貞質在懸含玉音對
此喜還歎幾秋還到今器古契良覲韻和諧宿心何為
值明鑒適得離幽沉自茲入清廟無復泥沙侵

風箏

鮑溶

何響與天通，瑤箏挂望中。
彩絃非觸指，錦調忽聞風。
鴈柱虛連勢，鸞歌且墜空。
夜和霜擊磬，晴引鳳歸桐。
幽咽誰生怨，清冷自匪躬。
秦姬收寶匣，搔首不成功。

聽郢客歌陽春白雪

歐陽棗

寂聽郢中人，高歌已絕倫。
臨風飄白雪，向日奏陽春。
調雅偏盈耳，聲長杳入神。
連貫珠並裏，裏過雲頻度。
曲知難和，凝情想任真。
周郎如賞善，莫使滯芳晨。

尚書郎上直聞春漏

張少博

建禮含香處重城待漏辰徐聲傳鳳闕曉唱辨雞人銀
箭聽將盡銅壺滴更新催籌當五夜移刻及三春杳杳
從天遠泠泠出禁頰直廬殘響曙肅穆對鈎陳

同前

周徹

建禮通華省含香直紫宸靜聞銅史漏暗識桂宮春滴
瀝疑將絕清泠發更新寒聲臨鴈沼疎韻應雞人迴入
十門徹行催五夜頰高臺閒自聽非是駐征輪

同前

失名

地即尚書省人惟鴛鴦行審時傳玉漏直夜遞星郎歷
歷聞仙署泠泠出建章自空來斷續隨穴散淒鏘物靜
知聲近寒輕覺夜長聽餘殘月落曙色滿東方

雪夜觀象闕待漏

張少博

殘雪初晴後鳴珂奉闕庭九門傳曉漏五夜候晨扃北
斗橫斜漢東方落曙星烟氛初動色簷珮未分形雪重
猶垂白山遙不辨青雞人更唱處偏入此時聽

太清宮聞滴漏

嚴巨川

玉漏移中禁齊車入太清漸知催辨色復聽續餘聲乍
逐微風轉時因雜珮輕青樓人罷夢紫陌騎將行殘魄
棲初盡餘寒滴更生慙非朝謁客空有振衣情

百官乘月早朝聽殘漏

莫宣卿

建禮儼朝冠重門耿夜闌碧空蟾魄度清禁漏聲殘候
曉車輿合凌霜劔珮寒星河猶皎皎銀箭尚珊珊杳靄
祥光起霏微瑞氣攢忻逢聖明代長願接駕鸞

春臺晴望

李程

曲臺送春日景物麗新晴
靄靄煙收翠忻忻木向榮
靜看遲日上閒愛野雲平
風慢遊絲轉天開遠水明
登高塵慮息觀徼道心清
更有遷喬意翩翩出谷鶯

同前

鄭黃

追賞層臺迥登臨四望頻
熙熙山雨霽處處柳條新
草長秦城夕花宜漢苑春
晴林翻度鳥紫陌閱行人
旅客風塵厭山家夢寐親
遷鶯思出谷鶩翁待芳辰

同前

喬弁

層臺聊一望，遍賞帝城春。
風暖聞啼鳥，冰開見躍鱗。
晴山煙外翠，香藥日邊新。
已變青門柳，初銷紫陌塵。
金湯千里國，車騎萬方人。
此處雲霄近，憑高願致身。

文苑英華卷一百八十四

欽定四庫全書

文苑英華卷一百八十五 宋 李昉等 編

省試六

驪龍一首 劍化為龍一首

龜負圖二首 魚上冰三首

臨川羨魚二首 河鯉登龍門二首

鮫人潛織一首 歸馬華山一首

西戎獻馬一首 天驥呈才三首

勅賜三相馬一首

騏驎長鳴二首

儀鳳一首

緱山鶴一首

織鳥一首

鶴警露一首

鶴鳴九臯一首

齊優開籠飛去所獻楚王鵠一首

黃鵠下太液池一首

越裳獻白翟二首

鴛出谷四首

柳陌聽早鶯一首

禁林聞曉鶯一首

鳥散餘花落三首

空梁落鷺泥一首

好鳥鳴高枝一首

振振鷺一首

飛鴻響遠音一首

出籠鵲一首

霜隼下晴臯一首

反舌無聲一首

雪夜聽猿吟一首

寒蟬樹一首

驪龍

失名

有美為鱗族潛蟠得所從標竒初謚寶表智即稱龍大
壑長千里深泉固九重奮髯雲乍起矯首浪還衝荀氏
傳高譽莊生冀絕蹤仍知流淚在何幸此相逢

劍化為龍

張聿

古劍誠難屈，精明有所從。
沉埋方出獄，合會却成龍。
牛斗光初歇，蜿蜒氣漸濃。
雲濤透百丈，水府躍千重。
拖尾迷蓮鍔，張鱗露錦容。
至今沙岸下，誰得覩玄蹤。

龜負圖

詩缺

同前

詩缺

魚上冰

王季則

北陸收寒盡，東風解凍初。
冰消通淺溜，氣變躍潛魚。
應

節似知化揚髻任所如浮沉非樂藻沿泝異傳書結網
時空久臨川意有餘為龍將可望今日愧才虛

同前

紀元臯

類詩作
何儒亮

春生寒氣滅

類詩作
氣滅

稍動伏泉魚乍喜東風至來觀曲

浦初近冰朱鬢見望日錦鱗舒漸覺流澌退還忻掉尾
餘噉喁情自樂沿泳意寧踈儻得隨鯢化終聽戾太虛

類詩作終

能戾太虛

同前

吳冕

春水潛鱗發寒潭
舊藻踈揚鬢
順氣後振鬣
上冰初戲
廣憐空潔浮清媚
景虛戒貪還
避餌思達每
懷書濕映
流澌薄時遊
觸浪餘終希
泮溟澤為化
北溟魚

臨川羨魚

張正元

有客百愁侵
求魚正在今
廣川何渺漫
高岸幾登臨
風水寧相阻
煙霞豈憚深
不應同逐鹿
詎肯比從禽
結網非無力
忘筌自有心
永存芳餌在
佇立思沉沉

同前

薛少殷

曾是歸家客今年且未旋遊鱗方有待織網豈能捐向
水煙波夕吟風歲月遷莓苔生古岸葭莢變清川不逐
滄浪叟還宗內外篇良辰難自擲此日願忘筌

河鯉登龍門

失名

年久還求變今來有所從得名當是鯉無點可成龍備
歷艱難遍因期造化容泥沙寧不阻釣餌莫相逢擊浪
因成勢織鱗莫繼蹤若令搖尾去雨露此時濃

同前

集本作魚
登龍門

元稹

魚貫終何益龍門在此登有時常集作作雨無用耻為

鵬激浪誠難泝雄心庶亦集作憑風雷潛會合鬢鬣忽

騰陵泥滓辭河濁煙霄見海澄迴瞻順流輩誰敢望同

升

鮫人潛織

康翊仁

珠館馮夷室靈鮫信所潛幽閒雲碧牖滉漾水精簾機

動龍梭躍絲縈藕綵添七襄牛女恨三日大人媯古樂府焦

仲卿妻詩三日斷透手擎吳練凝冰笑越縑無因聽札

五匹大人故媯遲

札空想濯纈纈

歸馬華山

白行簡

牧野功成後周王戰馬閒驅馳休伏阜飲齧任依山逐
日朝仍去隨風暮自還冰生疑隴坂葉落似榆關躑躅
仙峯下騰驤渭水灣幸逢時偃武不復鼓鞶間

西戎獻馬

周存

天馬從東道皇威被遠戎來叅八駿列不假貳師功影
別流沙路嘶流上苑風望雲時蹠足向月每爭雄稟異

才難狀標竒志豈同驅馳如見許千里一朝通

天驪呈材

徐仁嗣

至德符天道龍媒應聖明追風竒質異噴玉彩毛輕蹀
蹀形難狀連拳勢乍呈効材矜逸態絕影表殊名岐路
寧辭遠關山豈憚行鹽車雖不駕今日亦長鳴

同前

盧征

異產應堯年龍媒順制牽權竒初得地蹀蹀欲行天詎
假調金瑤寧須動玉鞭嘶風深有戀逐日定無前周滿

誇常馭燕昭恨不傳應知流赭汗來自海西偏

同前

鄭黃

毛骨合天經拳竒步驟輕曾邀于闐駕新出貳師營噴
勒金鈴響追風汗血生酒亭留去跡吳坂認嘶聲力可
通衢試材堪聖代呈王良如顧盼垂耳欲長鳴

勅賜三相馬

張隨

上苑驂騑出中宮詔命傳九天班錫禮三相代勞年顧
主聲猶發追風力正全鳴珂龍闕下噴玉鳳池前四足

疑雲滅雙瞳比鏡懸為因能致遠今日表求賢

騏驎長鳴

章孝標

有馬骨堪驚無人眼暫明力疲吳坂峻嘶苦朔風生
逐懷良御蕭蕭顧樂鳴瑤池期弄影天路欲飛聲皎月
誰知種浮雲莫問程鹽車終願脫千里為君行

同前

陳去疾

騏驎忻知已嘶鳴忽異常積悲攄怨抑一舉徹穹蒼迹
類三年鳥心馳五達莊何言從蹇躓今日逐驕驥牛皁

休維絜天衢恣陸梁向非逢伯樂誰足見其長

儀鳳

楊嗣復

八方該帝澤威鳳忽來賓向日朱光動迎風翠羽新
低昂多異趣飲啄迥無隣郊藪今翔集河圖意等倫
聞韶知鼓舞偶聖願逡巡比屋初同俗垂恩擊壤人

緱山鶴

張仲素

羽客駢仙鶴將飛駐碧山映松殘雪在度嶺片雲還
清唳因風遠高姿間水

類詩作
對水

閒笙歌應天

類詩作
憶天

上城

郭嘆人間幾變霜毛潔方殊藻質斑蓬瀛如可到逸翮
詎能攀

織鳥

張何

季春三月裏戴勝下桑來映日華冠動迎風繡羽開候
驚蠶事晚織向女工裁旅宿依花定輕飛遶樹迴欲過
高閣柳更拂小庭梅所寄一枝在寧憂弋者猜

鶴警露

陳季

南國商飈動東臯野鶴鳴溪松寒暫宿露草滴還驚欲

有高飛意空聞召侶情風間傳藻質月下引清聲未假
搏扶勢焉知羽翼輕吾君開太液願得應皇明

鶴鳴九臯

失名

胎化呈仙質長鳴在九臯排空散清唳映日委霜毛萬
里思寥廓千山望鬱陶香凝光不見風積韻彌高鳳侶
攀何及雞羣思忽勞昇天如有應飛舞出蓬蒿

齊優開籠飛去所獻楚王鵠

崔樞

受命籠齊鵠交歡獻楚王惠心先巧辯戢羽見迴翔意

適清風遠憂除白日長度雲搖舊影過樹閱新芳直取
名翻重寧唯好不傷誰言滑稽理千載戒禽荒

黃鵠下太液池

賈島 集無

高飛空外鵠下向禁中池岸印行蹤淺波搖立影危來
從千里島舞拂萬年枝踉蹌孤風起徘徊水沫移幽音
清露滴野性白雲隨太液無彈射靈禽翹不垂

越裳獻白翟

王若岳

素翟宛昭彰遙遙自越裳冰晴朝映日玉羽夜含霜歲

月三年遠山川九譯長來從碧海路入見白雲鄉作瑞
興周后登歌美漢皇朝天資孝理惠化且無疆

同前

孫昌徹

聖哲符休運伊臯列上台覃恩丹徼遠入貢素暈來北
闕欣初見南枝顧未迴歛空殘雪淨矯翼片雲開馴擾
將無懼翻飛幸莫猜甘從上苑裏飲啄自徘徊

鷲出谷

錢可復

玉律陽和變時禽羽翮新載飛初出谷一轉已驚人拂

柳宜烟暖衝花覺路春搏風翻翰疾向日弄吭頻求友
心何切遷喬幸有因華林高玉樹棲託及芳晨

同前

張鷟

弱質隨儔匹遷鶯正及春
乘風音響遠映日羽毛新
已得辭幽谷還將脫俗塵
駕鸞方可慕鸞雀迥無鄰
遊止知難屈翻飛在此伸
一枝如借便終冀託深仁

同前

劉莊物

幸因辭舊谷從此及芳晨
欲語如調舌

一作求友

初飛似畏

人風調歸影便日暖吐聲頻翔集知無阻聯綿貴有因
喜遷喬木近寧厭對花新堪念微禽意關關也愛春

同前

劉得仁

東風潛啓物動息意皆新此鳥從幽谷依林報早春出
寒雖未久振羽漸能頻稍類冲天鶴多隨折桂人蹲前

喧集作時

有語花裏晝藏身若向

一作若在

穠華處餘禽不見

親

柳陌聽早鶯

陶

翰

見集本

忽來枝上囀，還似谷中聲。
乍使香閨靜，偏傷遠客情。
關難辨處，斷續若頻驚。
玉勒留將久，青樓夢不成。
十門候曉發，萬井報春生。
徒有知音賞，慙非臯鶴鳴。

禁林聞曉鶯

陸宸

曙色分層漢，鶯聲繞上林。
報花開瑞錦，催柳綻黃金。
斷續隨風遠，間關送月沉。
語當溫樹近，飛覺禁林深。
繡戶驚殘夢，瑤池囀好音。
願將棲息意，從此沃天心。

鳥散餘花落

趙存約

春曉遊禽集幽庭幾樹花坐來驚艷色飛去墮晴霞翅
拂繁枝落風添舞影斜彩雲飄玉砌絳雪下仙家分散
音初靜凋零藥帶葩空階瞻翫久應共惜年華

同前

竇洵直

晚樹春歸後花飛鳥下初參差分羽翼零落滿空虛風
外清疑香轉林邊艷影踈輕盈疑雪舞髮髻似霞舒萬
片情難極遷喬思有餘微臣一何幸吟賞對宸居

同前

孔溫業

美景春堪賞芳園白日斜
共看飛好鳥復見落餘花
來往驚翻電經過想散霞
雨餘飄處處風送滿家家
求友聲初去離枝色可嗟
從茲時節換誰為惜年華

空梁落鷺泥

顧况

卷幕差池鷺常銜濁水泥
為黏珠履跡未等畫梁齊
舊點痕猶淺新巢緝尚低
不綠頰上落那得此飛棲

好鳥鳴高枝

鄭衮

養翮非無待遷喬信自卑
影高遲日度聲遠好風隨
雲

拂千尋直花催百轉奇驚人時向晚求友聽應知委質
經三歲先鳴在一枝上林如可託弱羽願差池

振振鷺

李頻

有鳥生江浦霜華作羽翰君臣將比潔朝野用為歡月
影林梢下冰光水際殘飛翮時共樂飲啄道皆安迴翥
宜高詠羣棲入靜看由來鴛鴦侶濟濟列千官

飛鴻響遠音

李體仁

漠漠微霜夕翩翩出渚鴻清聲流迥野高韻入寥空舊

質經寒塞殘音響遠風縈雲猶類網避月尚疑弓弱羽
雖能振丹霄竟未通欲知多怨思聽取暮煙中

出籠鵲

濮陽瓘

玉鏃分花袖金鈴出綵籠遙心長捧日逸翰鎮生風一
點青霄裏千聲碧落中星眸隨狡兔霜爪落飛鴻每念
提携力常懷搏擊功以君能惠好不敢沒遙空

霜隼下晴臯

失名

九臯霜氣勁翔隼下初晴風動閒雲卷星馳白草平稜

稜方厲疾肅肅自縱橫掠地秋毫迥投身逸翮輕高墉
全失影逐雀乍飛聲薄暮寒郊外悠悠萬里情

反舌無聲

張籍

夏木多好鳥偏知反舌名林幽歸舊

集作仍共

宿時過已無

集作即分

聲竹外天空曉溪頭雨自晴居人疑

集作宜

寂寞深

院益淒清入霧暗相失當風閒易驚來年上林苑知爾
最先鳴

雪後聽猿吟

顧偉

寒巖飛暮雪絕壁夜猿吟歷歷和羣鴈寥寥思客心繞
枝猶避箭過嶺却投林風冷聲偏苦山寒響更深聽時
無有定靜裏固難尋一宿扶桑月聊看懷好音

寒蟬樹

沈鵬

一葉初飛日寒蟬益易驚入林慙織細依樹媿身輕大
幹時容息喬枝或借鳴心由飲露淨響為逐風清忝有
翩翾分一作翼應憐嗚唳聲不知微薄影早晚掛綏纓

文苑英華卷一百八十五